



27. august 2013

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Illuut Aps aqqutigalugu Namminersorlutik Oqartussat illuutaannik tuniniaanissaq pillugu Naalakkersuisunut apeqquqtit:

1. 2014-mut Aningaasanut Inatsissamut siunnersuummi takuneqarsinnaavoq, aalajangerneqarsimasoq Nuummi Illuut Aps-p illuutaani attartortut 420-t ukiup tullianiit neqeroorfigineqassasut illutik pisiarisinnaagaat. Naalakkersuisut tamanna pillugu aningaaseriviit oqaloqatigisimanerlugit taamatullu illulioriternermi aningaasaliisarfiit?

1a. Aningaasaateqarfiit tamatumunnga arlaannik naammagittaalliuteqarsimanerlutik?

2. Illut tamarmik tunineqassagaluarpata tamatuma illunik pioreersunik tuniniaanermut qanoq kinguneqarnissaa Naalakkersuisut qanormita naatsorsuutigaat? Uani kissaatiginngilara taggiisoqassasoq oqartoqarluni attartortut pingajorarterutaannaat illuminnik pisiumaartut naatsorsuutigineqartoq. Ernummatigineqarsinnaavoq innuttaasut illuserersimasut illuminnut pituttorneqarsinnaanerat, illuminnik tunisissagaluarnik amigartoortussaantertik pissutigalugu.

3. Aningaaseriviit illuliornermullu atukkiisarfiit isumaat naapertorlugu qanormita kinguneqassava illunik pioreersunik tuniniaanermut, illut pineqartut tamarmik tunineqassagaluarpata?

4. Naalakkersuisut mianersoqqussutit aningaaserivinniit illuliornermullu atukkiisarfinit sunimmita tigusaqarpat, Naalakkersuisut aalajangiusimassappassuk illut pioreersut tuniniakkat ataatsikkut illunik 420-nik ilaneqariataarnissaat?

5. Naalakkersuisut inuinaat illuunik pioreersunik tuniniaanermut illorpassuarnik ilanngussiniarnerat pillugu Naalakkersuisut aningaaseriviit/illuliornermut atukkiisartut mianersoqqussutaannut tusaanngitsuusaarsimappata tamannamita siunissami Illut A/S-p illulioriternernut taarsigassarsiniartarnissaanut qanoq kinguneqassava Naalakkersuisut aamma aningaaseriviit/illuliornermi atukkiisarfiit naliliinerat naapertorlugu?

6. Naalakkersuisut aamma aningaaseriviit/illuliornermi atukkiisarfiit naliliinerat qanormita innuttaasut ataasiakkaat aamma suliffiit namminersortut siunissami illuliornissaminnut imaluunniit suliffiornissaminnut atatillugu taarsigassarsiniarnissaanut kinguneqassava, illut ataatsikkut amerlasuut tuniniagassanngortinnissaanut aningaaseriviit mianersoqqussutaat Naalakkersuisut tusaanngitsuusaaginassappatigit?

7. Kalaallit Nunaanni Sulisitsisut Peqatigiiffiata paatsuugassaanngitsumik tuniniaanissarsuarmut akerliuneranut Naalakkersuisummita qanoq isumaqarpat?

8. Illuliornermut atukkiisartut Kalaallit Nunaanni illut tuniniakkat amerlivallaalernerat pissutigalugu atukkiisarnerminnik unitsitsissagaluarpata tamanna qanormita sanaartornermut kinguneqassava?



(Inatsisartunut ilaasortaq Jens B. Frederiksen, Demokraatit)

Tunngavilersuut

Demokraatini paatsuugassanngitsumik isumaqarpugut inuit amerlanerpaat nammineq pigisaminnik illoqartariaqartut pisortallu taamaallaat isumagisassagaat inuit arlaannik pissuteqarlutik namminneq illutaarsinnaanngitsut. Kisianni pisortat illuutaannik nioqquteqarneq ima sukkatigisumik pissanngilaq allaat illumik pigisaqareersut akorngusertussanngorlugit – aamma tamatuma akorngusissanngilaa inuinaat illuliornissaminnut taarsigassarsinnaanissaat. Aamma pingaaruteqarpoq Illuut Apsimut, namminersortunut taamatullu innuttaasunut ataasiakkaanut, illuliornermut atukkiisartut Kalaallit Nunaanni illuliornermut annertuumik aningaasalersuijuarnissaat.

Naalackersuisuusimasut aningaaserivinnik illuliornermullu atukkiisartunik ukiup affakkuutaartumik Kalaallit Nunanni ataatsimeeqateqartarnerannut atatillugu aningaaseriviit sakkortuumik innersuussutiginiuuat Namminersorlutik Oqartussat illuutaasa attartortunut sukavallaamik tuniniarneqartassanngitsut (atuaruk: Illuut A/S). Tamatumunnga tunngavilersuutigineqarpoq Kalaallit Nunaanni illuliornermut atukkiisartut aningaasaliisarnerninnut kajumikkunnaarsinnaanerat. Naatsumik oqaatigalugu amerlavallaanik sukkaasuumik tuniniaanerup illunik tuniniaaneq pioreersoq akorngusertussaammagu.

Tamanna tunngavigalugu aalajangerpunga qulaaniittut apeqqutit qulit Naalackersuisunut apeqqutiginiarlugit aamma qilanaarpunga apeqqutit tigusineraniit ullut sulliviit naliginnaasut qulit qaangiutsinnagit akineqarnissaannut.